

محل مطبعه و اداره :

جفال اوغلانده امنيت

صندوغى جوارنده

شنگول يقوشنده

۲۲ نومرو

مستطابق

۱۳۲۶

امطار :

مسلكمزه موافق آثار

جدیده مع الممنونيه

قبول اولنور

درج ايدلمه ين آثار اعاده اولنماز

ديره ، فلسفه ، علوم ، ادبيات و سياستنامه و بالخاصه احوال و شئون اسلاميه در بحث ايدر و هفته ده بر نشر اولنور :

آبونه بدلى

صاحب و مؤسسلرى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

تاريخ تأسيسى

قىرلمه دن مقوا بورو ايله كوندريلىرسه سنوى

۲۰ غروش فضله آلنير

۱۰ تموز ۳۲۴

سنه لى	اللى آيلى	غروش
ممالك عثمانيه ايجون	۶۵	۳۵
روسيه	۶۵	۳۵
سائر ممالك اجنبيه	۱۷	۹

بشنجى جلد

۲۵ رمضان المبارك پنجشنبه ۱۶ ايلول ۳۲۶

عدد : ۱۰۸

شئون

دولت عثمانیه :

خلیفه حضرتینک بر اراده دبان برورانه لری — فخر کائنات (ص.ع) افندمن حضرتینک تولدخانه لری پنجره لرینه معلق برده لرك خراب اولدینی مسموع خلافتیناهی اولدیغندن تجدیدی خصوصنه اراده بیورلشدر .

بمن مجلس ترقیات شرعیه سی — بمن ولایتینده تکیون ابدن دعاوی بی استینافاً رؤیت و تدقیق صلاحیتی حائر اولق اوزره تشکیل بیوریلان (مجلس تدقیقات شرعیه) نك وظائفه دائر قلمه آلتان نظامنامه لایحه سنك شورای دولته تعدیلات و مذاکراتی ختام بوله رق مضبوطه سی تمام صدارته کوندرلشدر .

دیوانه عرب عرفی قراری — خیال غزته سنك شعائر دینییه مغایر رسم درج ایتمسندن طولانی اداره عرفیه قرارنامه سنك ۶ نجی ماده سنه تطبیقاً مذکور غزته نك بوکوندن اعتباراً بلا مدت تعطیلنه قرار ویرلشدر .

کوبه پروتستانه واعظی نروسی — سقوریاکویلرندن قره آغاچ نامنده کی قریه ده بر پروتستان مکتبی واردر ، اوراده ایلولک اون یدنجی کونی پروتستان واعظی طویلانوب کایسالر ، مکتبلر حقنده بعض مذاکره یاجفلر مش بواجتماعه ، کرک بوراده بولونان ، کرکسه استانبولدن کله جک اولان بر چوق میسیونرلر اشتراک ایدیلر جک اولدیغنی خبر آلدقه ده اجتماع مرکزی اولق اوزره نهدن بویه صابا برکوی انتخاب ایستدکلرخی اوکره نهدنک . « اسکیشهر »

کنج مصریلر قونفره سی — کنج مصریلر قونفره سنك اجتماعنده قونفره کابی حمادالهلالی مصر مسئله سنندن بحث ایدهرک مصرک انکلتزه نك تحت حمایه سننده تغیر انساله او عرادیله میه جغنی بیان ایلشدر . دعوی وکیلی شباغی قاپیتولاسیونلر مسئله می حقنده بیان مطالعات ایدهرک بونلرک ابقاسنی شدتله التزام آیلش و محتاط محکمه لرك مصرک یکنه استنادکاهی اولدیغنی سویله مشدر . دعوی وکیلی رفیق ، انکلتزه نك اداره سی آلتنده اوقویوب یازمق بیللرک مقداری حال توقفده و دائماً یوزده ۱۵ راده سننده قالدیغندن رت ابله تحصیلک مجبوریتنی تکلیف ایلشدر . بعده قونفره ارکانندن مصری بر قادین تربیه و تعلیم نسوان حقنده صرف مساعی ایدلسنی شدتله طلب ایلشدر .

— کنج مصریلر قونفره سی ایلولک ۲۴ نجی کونی مصرک انکلیزلر طرفندن تخلیه سی و مستقلاً اداره سی حقنده بر قرار اتخاذ ایدلسنی متعاقب تعطیلی اولمشدر .

قافقاسیا

تضییق ناریشی نشریرمت . — باکوده چیقمه قده اولان « حقیقت » رفیقز ، ۱۵۵ نوسرو سننده مندرج « حق ایله خان » مقاله سنندن اوتری ، روس حکومتی طرفندن تعطیل اولندی . بونک اوزرینه « حقیقت » محررلرندن وتورک ادباسنک مشهورلرندن احمد کمال بک « کونش » اسمی و عینی مسلکی دیگر بر جریده نك نشرینه باشلادی . « کونش » ک ناشرلری ، خدمات ملیه لری و غیرتلیله نامدار اوروجف قرداشلردر . جناب حق دوام موفقیت و حسن خدمت میسر ایله سون .

دولت علیه — روسیه

عثمانیشر لوئید غزته سنك پترسبورغ مخابر مخصوصی ۲۲ ایلول تاریخیه غزته سنه یازیور :

حکومت عثمانیه نك تأمینات بخشا بیاناتنه رغماً روس افکار عمومیه سی کوندن کونه حکومت مشارالیها علیهنده بر جریان آلور . نیم رسمی بر جریده عدایدان (روسیه) ینه بحر سیاهدن بر روس کولی کبی بحث ایتمک باشلادی . حکومت عثمانیه نك دونماسنی تقویه ایلمسی بحر سیاهده کی موازنه قوانک غالب اولسنه سبب اولمشدر . بناءً علیه روسیه بحر سیاهده کی دونماسنی تقویه ایتمک و سیواستوپول نیقولایف لیمانلرنده ترقیات اخیریه موافق زرهلیر انشا ایستدیرمک مجبور مش . بو تدابیرک سریعاً اتخاذی روسیه ایچون بر مسئله ایتمش . اکبویوک جرائدن اولان (روسقوئه سلوو) غزته سی بو بنددن بحث ایدرکن دیورکه :

« موسیو ایزوولسکینک پولتیقه سی بزم شرقده کی سیاستمزک سقوطنه سبب اولدی . شرقده روس پولتیقه سی ۱۸۵۶ دن بری بو قدر تنزل ایتمه مشدی . بوکون حکومت عثمانیه هم روسیه ، هم بالقان اسلاو حکومتانه قارشی تهدیدکار بوضعیت آلمغه چالیشیور . ترک خلیالرینک ساحه حقیقه چیقمسی ایچون رسمی « طنین » بحر سیاهک بی طرف بر دکنز حالنه وضعی و روس دونماسنک بحر بالطقه کوندراسنی تکلیف ایلدی . بو تکلیف او قدر غریب و نالایقه مدرکه مذاکره یه بیله دکمز . ینه بو غزته نك فکرینجه بر محاربه مستقبله ده عثمانلی فیلوسی مدافعه سز بوله جنی روس سواحانی بومباردمان ایده جکدر . شو حالده ینه ۱۸۵۵ ده کی فلاکت باش کوستره جک . چونکه اوزمانده روس بحر سیاه فیلوسی ضعیفدی .

ترکلرک مقصدی روسیه بی باحیقا واسویچره در که سنه دوشورمک و بر محاربه مستقبله ده بزی حرکات بحریه اجراسندن منع ایلمکدر . بوضورتله حرکت ایتمک ایچون حکومت عثمانیه روسیه نك غرور ملیسنه واقف اولماملیدر . ترکلر عجبا ینه روس سفیرلرینی یدی قله یه حبس ایلدکلری زمانلرده می ایشامقده اولدقلرینی ظن ایدیورلر ؟ اوزمانلر کچمشدر . و بر دها عودت ایتیجه جکدر . بناءً علیه طنینه یالکنز بر جواب ویریه بیلیرکه بوده روسلرک پک یقین بر زمانده بحر سیاهده قوتلی برزره لی دونماسی وجوده کتیره جکارینی سویله مکدر . (روسقو سلوو) غزته سی مقاله سننی بیترکن بوحاله مانع اولق ایچون یونانستان دخی داخل اولدینی حالده براور تودوقسلیق اتحادی وجوده کتیر یلمسنی و ما کدونیا ده کی بوتون خرسیتیانلرک برلشمسنی طلب ایدیور .

شمدی بومقاله یی ، روس دیپلوماتلرینک الهاماتیله یازلمش اولان بومقاله یی تدقیق ایده جک دکمز . یالکنز شونی سویله یه بیلرکه طنینک بوتکلیفی روسلرک قلبنده ترکلره قارشی مدفون اولان حسیات غرضکارانه یی احیا ایتدی . و بر عثمانلی — روس مقارنتنه یکنه طرفدار اولان موسیو ایزوولسکی روس افکار عمومیه سنه قربان اولدی . شمدی موقعی کنسیدسندن ده اعزم پرور بر ذاته ترک ایده جک .